

SCRIPT OF EVENING GOJRI NEWS BULLETIN 4JULY 1700 HRS

ایوننگ گو جری نیوز بلیٹن مورخہ 4 جولائی 2025

یوہ آکا شوانی جموں ہے عبدالرحمان تے نصرت تیں خبر سُنو۔

HEADLINES

- ۱ مرکزی وزیر شیوراج سنگھ چوہان نے جموں کشمیر غا باغبانی شعبہ نانہ فروغ دین واسطے مرکزی حکومت گا عزم گو اعدو کیو ہے۔
- ۲ مرکزی وزیر زراعت جموں کشمیر غا لیفٹیننٹ گورنر تے وزیر اعلیٰ نے زراعت سائنس و ٹیکنالوجی بارے شیر کشمیر یونیورسٹی غی 6 ویں کنوکیشن مانہ شرکت کی جموں کشمیر مانہ سیب غی پیداوار بدھان واسطے جلد ہی صاف مرکز قائم کیو جے غو۔
- ۳ لیفٹیننٹ گورنر منوج سنہانے بالٹال بنیادی کیمپ مانہ یاتری نواس تے او این جی سی غا تعاون سنگ بنن آلا قدرتی آفات انتظامی مرکز غو افتتاح کیو۔
- ۴ سالانہ سری امرناتھ جی یاترہ دواں رستاں پہلگام تے بالٹال تیں بہتر طریقہ سنگ جاری ہے تے یاتریاں غو پہلو قافلو درشن مکمل کرن تیں بعد خیریت سنگ واپس پُچ گیو ہے۔
- ۵ پہلہ کھیلو انڈیا آبی کھیڈ مقابلہ اگلا مہینہ سرینگر غا ڈل جھیل مانہ منعقد کیا جیو گا۔

SHIVRAJ FARMERS

مرکزی وزیر زراعت شیو راج سنگھ چوہان نیاج سرینگر غا سکاسٹ مانہ زعفران تے سیب غا کاشتکاراں تے سائنسداناں تیں ملاقات کی۔ اس موقع ور انہاں نے کساناں گا مسائل سُنیا تے زراعت غا شعبہ نانہ درپیش مشکلات ور تفصیلی روشنی کھلی۔ وزیر نے کہیو کہ زراعت غی ترقی واسطے تحقیق اختراع تے جدید ٹیکنالوجی نانہ فروغ دینو وقت غی اہم ضرورت ہے۔ انہاں نے معیاری بیجاں گی فراہمی فصلاں گی بہتر قسم تے عالمی معیار غا سیب غی پیداوار ور زور دیتا واں یقین دوايو کہ جموں کشمیر مانہ پائیدار تے منافع بخش زراعت واسطے مرکزی حکومت مکمل تعاون فراہم کرے غی۔ انہاں نے مزید اس طرح کہیو۔

SHIVRAJ SKUAST

مرکزی وزیر نے اس تیں پہلاں لیفٹیننٹ گورنر منوج سنہا تے وزیر اعلیٰ عمر عبداللہ غے ہمراہ شیر کشمیر زرعی سائنس تے ٹیکنالوجی یونیورسٹی غا چٹھہ کنوکیشن مانہ شرکت کی۔ انہاں نے سکاسٹ کشمیر جیسا اداراں غا کردار نانہ سراہتا واں کہیو کہ بے ادارا باغبانی تے زراعت غا شعبہ مانہ تحقیق و ترقی غے ذریعے کساناں نانہ جدید علم فراہم کرے۔ اس موقع ور گل کرتا واں مرکزی وزیر نے کہیو کہ وادی کشمیر مانہ سیب غی معیاری پیداوار نانہ فروغ دینو واسطے ایک جدید کلین پلانٹ سینٹر قائم کیو جے غو جھپڑو باغبانی گا شعبہ مانہ ایک سنگ میل ثابت وے غو۔ انہاں نے مزید اس طرح کہیو۔ اس موقع ور خطاب کرتا واں لیفٹیننٹ گورنر منوج سنہا نے کہیو کہ انہاں نانہ خوشی ہے کہ جموں کشمیر غی بیٹیاں رُکاوٹاں نانہ توڑ غے زرعی سائنس تے ٹیکنالوجی غا میدان مانہ نمایاں کامیابی حاصل کر رہی ہیں۔ ایل جی موصوف نے مزید اس طرح کہیو۔

LG BALTAL BASE CAMP

لیفٹیننٹ گورنر منوج سنہا نے اچ یاتری نواس تے او این جی سی غا تعاون سنگ قائم کردہ قدرتی آفات انتظامیہ مرکز غو بالتال بنیادی کیمپ مانہ افتتاح کیو۔ یہ نویں سہولیات اُن لکھان یاتریاں گی مدد واسطے قائم کی گئی ہیں جہیرا سالانہ امرناتھ یاترہ مانہ شامل ویں ردتہ مانہ بنیادی رہائش تے ہنگامی خدمات فراہم کی جیں گی قدرتی آفات انتظامی مرکز مقامی لوکاں نانہ وی سال پہر فائدو پُجاوے گو کیونجے یوہ آفات سنگ نمپٹن غی تیاری تے ردعمل غی صلاحیتاں نانہ بہتر بناوے گو اس قدمسنگ حکومت غا یاتریاں غی سلامتی تے عوامی بہبود غا عزم نانہ اُجاگر کیو گیو ہے۔ ایم ایل اے کنگن میاں مہر علی وی افتتاحی تقریب مانہ ات موجود تھا۔

IST BATCH DARSHAN

سالانہ امرناتھ یاترا کرن آلو پہلو جتھو کامیابی غے نال اچ مقدس گپھا غ ادرشن مکمل کرن تیں بعد واپس آيو ہے ہزاراں یاتریاں نے اس روحانی سفر مانہ شرکت کی حکام تے یاترا غے دوران بہترین انتظامات تے سخت حفاظت اقدامات نانہ یقینی بنايو تانجے تمام عقیدت منداں غی صحت تے سلامتی نانہ تحفظ دتو جاسکے یاترا پہلگام تے بالتال گا دوئے رستاں تیں پُرامن سنگ جاری ہے یوہ یاترا غا کامیاب آغاز غی علامت ہے تے اُمید کی جارہی ہے کہ باقی غو سفر وی تمام عقیدت منداں واسطے محفوظ تے پُرامن طریقہ تیں مکمل وے غو۔ اکاشوانی گا خبراں آلا شعوبہ سنگ گل کرتا واں کُجھ عقیدت منداں نے اپنا تجربہ سانجہ کرتا واں اس طرح کہیو۔

KHLEO INDIA WATER SPORTS

سرینگر اپنی مشہور ڈل جھیل ور افتتاحی کھیلو انڈیا آبی کھیڈ تقریب غی میزبانی کریگو جس مانہ ملک پہر تیں 4 سو تیں زیادہ کھیلاڑی 21 اگست تیں 23 اگست توڑی بکھ بکھ کھیڈاں مانہ حصو لیں گا۔ کھیڈاں بارے مرکزی وزیر مانسکھمانڈویا نے ذرائع ابلاغ سنگ گل بات کرتا واں اعلان کیو کہ یوہ پروگرام کھیلو انڈیا تحریک غی تقسیم مانہ حکومت غی کوششاں مانہ اضافو کرے گی۔ اس تقریب مانہ کایا کنگ، روونگ، آبی سککنگ شکاری تے ڈراگن کشتی دوڑ شامل ہون غی توقع ہے تے ملک غی 36 ریاست تے مرکزی زیر انتظام علاقہ ات اپنی نوعیت غی پہلی تقریب مانہ شرکت کرینگا۔

NCC UDHAMPUR

نوجواناں غی تربیت تینظمو ضبط نانہ فروغ دینواسطے میجر جنرل انو پیندر بیولی اینسی سی گا ایڈیشنل ڈاکریکٹر جنرل نے اچ ادھمپور مانہ جنرل زوراور سنگھ اینسی سی ٹریننگ مرکز غو دور کیو مارا ضلع نمائیندہ غے مطابق اس مرکز مانہ اس وقت خطہ بھر تیں آیا وا 3000 کیڈٹس سخت تربیت حاصل کر رہیا ہیں جس مانہ ڈرل ہتھیاراں گو استعمال فائرننگ آفات تیں نمڑن طبی امداد تے دیگر جنگی مہارت شامل ہیں اس دورہ غو مقصد تربیتی معیار گو جائیزو لینو تے کیڈٹس غی حوصلہ افزائی کرنو تھو تانجے وے ایک ذمے دار بااخلاق تے خدمت گزار نوجوان نسل غی تشکیل مانہ اہم کردار ادا کرسکیں۔

BAL PURUSKAR

بھارتی حکومت نے پردھان منتری راشٹریہ بال پورسکار 2025 واسطے نامزدگی غیدعوت دتی ہے یوہ اعزاز 5 تیں 18 سال غ ا بچاں نانہ بہادری سماجی خدمت ماحولیات کھیل

فن او ثقافت يا سائنس او ٽيڪنالاجي گا شعوباں مانہہ نمايا کارکردگی ور دتو جے۔ اگر تم کسی وی ایس ایچہ نانہہ جانیں تے فوراً اُس گو نامزد کریں اندراج واسطے
ور جیں تے داخلو 31 جولائی 2025 تیں پہلاں جمع کرائیں تے <http://awards.gov.in>
ملک غا ہونہار بچاں نانہہ اُن غی قابلیت غ وسیح مقام دوان مانہہ مارو ساتھ دیں۔

POONCH EXCISE

محکمہ ایکسائیز نے منشیات غے خلاف اپنی مہم تیز کرتا واں پونچھ شہر غے نزدیک غیر قانونی بھنگ غی کاشت نانہہ تباہ کردتو ہے مہارہ ضلعی نمائندہ غی اطلاع غے مطابق عہداراں نے ریاستی زمین ور قاضی موڑہ بانپت تے سکھا کٹھہ علاقاں مانہہ تقریباً 30 کنال زمین ور اگائی گئی پنگ غی فصل نانہہ تباہ کیو۔ یاہ کاروائی رہائشی علاقاں غے قریب کی گئی تانجے منشیات غا پھیلاؤ نانہہ روکیو جاسکے عہداراں نے منشیات غا خطرہ غا خاتمہ تے لوکاں غی صحت و سلامتی غا تحفظ واسطے اپنی مسلسل وابستگی ور زور دتو۔ آکاشوانی نیوز سنگ گل بات کرتا واں محکمہ غا ایک اہلکار عامر زمان نے اس طرح کہیو۔

DODA JJM

ڈوڈہ مانہہ پانی غی فراہمی تے تحفظ نانہہ بہتر بنا ن واسطے ایک اہم جائیزہ میٹنگ ڈی سی آفس کمپلیکس مانہہ منعقد ہوئی جس مانہہ جل شکتی جن بھاگیداری 2 اشاریہ 0 منصوباں ور عمل در آمد غو جائیزو لیو گیو یاہ میٹنگ ڈپٹی کمشنر ہرویندر سنگھ جہیرا جیل جیون مشن ڈوڈہ غا چئیرمین وی ہیں غی صدار مانہہ ایڈیشنل ڈپٹی کمشنر غے نال ایجنسیاں نانہہ ہدایت دتی کہ باقی کم جلد مکمل کریں تے موثر نگرانی واسطے کم غی جگہ غو جائیزو باقاعدگی تیں کریں میٹنگ مانہہ باہمی تعاون مسائل غا حل معیار غی یقین دہانی پانی غی جانچ تے عوان مانہہ پانی غا تحفظ تیں متعلق بیداری پیدا کرنور زور دتو گیو۔
